

ასპინძის სახელოვნო

ასპინძის მუნიციპალიტეტი * მაისი. 2025 * (3)106

26 მაისი საქართველოს დამოუკიდებლობის დღეა!

საქართველო

დღეს კიდევ უფრო გაანათებ, ასხივფერდები, გადაიშლება შენს ქუჩებზე წითელი ტევრი, აყივლდებიან არწივები იქ ბევრზე ბევრი, – და დაინახავს შენი მტრები, რომ არ ბერდები!

დეე, გაიგონ, რომ შენცა ხარ მსოფლიოს წევრი, მიყვარს სიცოცხლე, განსაცდელის წინ არ ჩერდები, უკეთეს შვილთა სისხლით მორწყე კლდე-ღრე, ფერდები, და სამუდამოდ მოიშორე მონობის კეერი!

და ეს იქნება უკეთესი საბუთი, მჭევრი, როს გენვევიან უცხოეთით თეთრი მხედრები, რომ მოკრძალებით მოიხარონ შენს წინ ქედები, არ მოგიხადონ უნებურათ მარანში ქვევრი!

დღეს კიდევ უფრო გაანათებ, ასხივფერდები, გადაიშლება შენს ქუჩებზე წითელი ტევრი, აყივლდებიან არწივები იქ ბევრზე ბევრი, – და დაინახავს შენი მტრები, რომ არ ბერდები!

მ. რ. შხაძე
1919 წელი, მაისი



დღეს საქართველოს

(26 მაისი)

ოთხას წელზე მეტი იყო მონგოლების ხელში, მანაც თავი გადირჩინა, ვერ გასტყვეს წელში! ას-ჩვიდმეტი წელიწადი ბოლოს გაატარა, მონობაშიც თავის ყოფნა უქმად არ ატარა. დღეს შენდება მუშის ხელით – მტერი დამლილია, ვინც ეწევა – შეიკედლებს, კვლავ გულ-გაშლილია!

გიგო თიამისხეველი
1919 წელი, მაისი

ოცდაექვსი მაისი

ოცდაექვსი მაისი, ჩვენო შვებავ ხალისო, გაგვამხნევე, რომ შიში აღარ გვექონდეს ხვალისო! ოცდაექვსი მაისი, ჩვენო სვეტო ნათლისო, უხვად გვეფინე ნათელი შენის უხვის მადლისო! ოცდაექვსი მაისი, უკვდავების სახმისო, დაგვანაფე შენს წყაროს, მოგვეც გრძნობა სამისო! ოცდაექვსი მაისი, ჩვენო ოქროს საწმისო, ოქროს ხანა მოგვმადლე, მტკიცე მარად ჟამისო! ოცდაექვსი მაისი, ჩვენ ორგულთა სადგისო, აგრძნობინე იმთაც გემო შენის მადლისო! ოცდაექვსი მაისი, ჩვენო შვებავ, ხალისო, ღირს გვყავ მეტის ზემით, შეგეგებოთ გაისსო!

ლ. წულაძე
1919 წელი, მაისი

აღლუმი

ასპინძის ომის 150 წლისთავზე

გულშინ, დღის 12 საათზე ასპინძის ომის 150 წლის აღსანიშნავად, გაიმართა აღლუმი. სამხედრო ტაძარში მწირველი იყო მიტროპოლიტი ლეონიდე კრეზულაძე. წირვას დაესწრნენ დამფუძნებელი კრებისა და მთავრობის წევრები, სხვა და სხვა დაწესებულებათა უმაღლესი წარმომადგენლები, უცხოელი მისიების წარმომადგენლები და აუარებული ხალხი. წირვის გათავების შემდეგ გაიმართა სამხედრო ცერემონია. აღლუმი მიიღო მთავარ სარდალმა გენ. კვინიტაძემ. მეცხრე ქვეითთა ასეულს, რომელმაც შემუსრა ოს-

მალეთის ორმოც ათასიანი კორპუსი, რომლის აღსანიშნავად მას დღეიდან ეწოდება „მეცხრე ქვეითთა ასპინძის ათასეული“, ჩაბარდა ეროვნული დროშა. დასასრულ სამხედრო მინისტრმა მიმართა მხედრობას ვრცელი, მეტად შინაარსიანი სიტყვით, რომელშიც აღნიშნა დღევანდელი პოლიტიკური მომენტის სირთულე და მოუწოდა მხედრობას, – დღეს, როდესაც მეორდება ისტორიის ფურცლები, როდესაც ველური მტრები მოსდგომიან ჩვენს საზღვრებს, ეკვეთონ მტერს გამირულად და დაიცვან თავისუფალი სამშობ-

ლო. მინისტრმა აღნიშნა აგრეთვე, რომ ჩვენს-კენაა მთელი ევროპა, მისი მუშათა კლასი, ჩვენ დღემდე თავდაცვას ვაწარმოებდით, დღეიდან კი გადავდივართ შეტევაზე და გავჩერდებით მხოლოდ იქ, სადაც ლაჩარი და მურტალი მტერი დაიჩოქებს და გვთხოვს პატივება შებრალებასო. სწორედ 150 წლის წინად ასეთი მდგომარეობაში იყო ქართველი ერი და გაიმარჯვა, დღესაც ჩვენ მტკიცედ გვწამს ეს გამარჯვება. შემდეგ მინისტრმა მიმართა მთავარ სარდალს გენ. კვინიტაძეს და უსურვა გამარჯვება. სამხედრო ტაძრის გაღვან-

თან მოზღვავებულ ხალხში დიდი ენთუზიაზმი იყო. დამსწრეთა შორის აღფრთოვანებით ცრემლმორეულთაც კი შეინიშნავდით. „გაუმარჯოს საქართველოს, მის მხედრობას, საქართველოს მთავრობას“, და სხვა ძახილს დასასრული არ ჰქონდა.

საქართველოს გენერალური შტაბის
სამხედრო-საისტორიო არქივი,
გაზეთი „საქართველოს რესპუბლიკა“,
1920 წელი, N 100

„ასპინძობა“ – დიდი დღესასწაული



საქართველოს ისტორიას ახსოვს ბევრი დიდი თუ პატარა ომები, სადაც ქართველებს ბევრი დამარცხებაც განუცდია და ბევრი უმნიშვნელოვანესი ომიც მოუგია, რომლებიც ოქროს ასოებითაა ჩანერილი ჩვენი ქვეყნის ისტორიაში. ხშირად გაიგონებდით, ალბათ – ხალხი ქმნის ისტორიასო, მაგრამ ეს ასე როდია. რომ არა დიდი ნიჭის მხედართმთავრები, მეფეები, ის დაუფინყარი გამარჯვებები არამც და არამც არ იქნებოდა. არ იქნებოდა არც დიდგორის, არც მარაბდის, არც ბასიანის არც სხვათა და სხვათა სახელოვანი საბრძოლო ეპოპეები, რომელთა ხსენება ქართველი კაცის სახელისა და დიდების მომტანი იყო. ერთხელ ნაპოლეონს უთქვამს: „ლომების ხროვას თუ ცხვარი უდგას სათავეში ყოველთვის დამარცხდება ცხვრის ფარასთან, რომელსაც ლომი ჰყავს სათავეში“, ეს ჭეშმარიტება ისტორიამ არაერთხელ დაამტკიცა.

მეფე ერეკლეს გამჭრიახობამ, მისმა გენიამ შესძლო გაეძლო 60-წლოვანი ქართველობისთვის, რომელიც მთელი მისი ცხოვრების განუყოფელი ნაწილი ხმლით ხელში სამშობლოს დაცვა იყო.

ძალიან ადვილია დღევანდელი გადასახედიდან ზოგიერთ „ჭკუაგადავსებულ მეცნიერთა“ „ბრძნული“ შეფასებებით შეაფასო ერეკლე მეორის განუსაზღვრელად დიდი როლი საქართველოს ისტორიაში. ის ჭეშმარიტად სახალხო მეფე იყო, რომელიც აგრეთვეა წრფელი გულით შეიყვარა სრულიად საქართველომ და ვერავითარი ძალა ხალხის მისადმი სიყვარულს ვერ დაუპირისპირდება. როგორც ილია ბრძანებდა მან აირჩია ის გზა, რომელიც ქვეყნისთვის ორი უკიდურესობიდან სწორედ მის მიერ არჩეული გზა ნაკლებად მტკიცეული იქნებოდა ქართველი ერისათვის.

ჩვენთვის, ასპინძელებისათვის, მეფე ერეკლე ჩვენი გულის ნაწილად იქვა, რამეთუ სწორედ მის სახელსა და დიდებას უკავშირდება ისტორიაში შარავანდედით შესული ასპინძის სახელი. როგორც გალაკტიონი ბრძანებს – „ვამბობ ასპინძას და კვლავ ომი



მომენტატრება!“ – ამ ომის მონატრება ხომ გამარჯვების მონატრებაა!

ასპინძის ომის დიდების გამოხატულება ყოველწლიურად ასპინძაში 1770 წლის 20 აპრილს მომხდარი ასპინძის ბრძოლის დღისადმი

მიძღვნილი „ასპინძობის“ სახალხო დღესასწაულის საზეიმოდ აღნიშვნა, რომელიც ეგრეთვეა გვაამაყებს და მეტი პასუხისმგებლობის წინაშე გვაყენებს, ვიყოთ იმ დიდ წინაპართა ღირსეული შთამომავლები. ტრადიციულ „ასპინძობის“ სახალხო დღესასწაულზე დიდი ხალხმრავლობა იყო. სტუმართა შორის იყვნენ სამხარეო ადმინისტრაციის პასუხისმგებელი მუშაკები, რეგიონის მუნიციპალიტეტის მერები და საკრებულოს თავმჯდომარეები, საპატიო ასპინძელები, ასპინძელი მასპინძლები...

ასპინძის ბრძოლის ამსახველი მონუმენტი სამცხე-ჯავახეთის მხარეში სახელმწიფო რწმუნებულმა ბესიკ ამირანაშვილმა, ასპინძის მუნიციპალიტეტის მერმა როსტომ მაგრაქველიძემ, სამხარეო ადმინისტრაციისა და ადგილობრივი ხელისუფლების წარმომადგენლებთან ერთად გვირგვინითა და ყვავილებით შეამკეს.

ლონისძიების ფარგლებში გაიმართა ადგილობრივ მენარმეთა პროდუქციის გამოფენა-გაყიდვა.

ამასთან დაბის ცენტრში მოწყობილ სცენაზე ადგილობრივი შემსრულებლების მონაწილეობით გაიმართა საზეიმო კონცერტი.

დამსწრე საზოგადოებას სიტყვით მიმართეს სამცხე-ჯავახეთის მხარეში სახელმწიფო რწმუნებულმა ბესიკ ამირანაშვილმა და ასპინძის მუნიციპალიტეტის მერმა როსტომ მაგრაქველიძემ.

14 აპრილს ასპინძის მუნიციპალიტეტის მერიის ინიციატივით ჩატარებულ კალიგრაფიის კონკურსში გამარჯვებული მოსწავლეები ღონისძიებაზე სიგელებითა და ფასიანი საჩუქრებით დაჯილდოვდნენ.

საზეიმო კონცერტში მონაწილეობას ლეზულობდნენ მუნიციპალიტეტის (აქიპ) „ასპინძის სახელოვნო“ და სამუზეუმო დანესტრულებათა გაერთიანების შემოქმედებითი ჯგუფები, ფოლკლორული ანსამბლი „წუნდა“, ბავშვთა ქორეოგრაფიული ანსამბლები „სამცხე“ და „ვარძია“, სოფელ ჭობარეთის ბავშვთა ქორეოგრაფიული ანსამბლი „ერისა“. გარდა ამისა მაცურებლის წინაშე წარსდგა ცნობილი ანსამბლი „ფორტე“, რომლის წევრებმაც შეასრულეს ახალი და ძველი სიმღერები.

მუნიციპალიტეტის სახეზელოში

ახლახან გაიმართა ასპინძის მუნიციპალიტეტის საკრებულოს მორიგი სხდომა.

საკრებულოს სხდომის ფარგლებში დეპუტატებმა განიხილეს დღის წესრიგით გათვალისწინებული შემდეგი საკითხები:

„ასპინძის მუნიციპალიტეტის ადმინისტრაციულ საზღვრებში არსებული იმ დასახლებების წესის დამტკიცების შესახებ, სადაც საგადასახლო არ არის ავტოსადგურიდან რეისის გასვლა და საიდანაც, ხორციელდება საქალაქთაშორის



სო რეგულარული სამგზავრო გადაყვანა „ასპინძის მუნიციპალიტეტის საკრებულოს 2025 წლის 04 მარტის №7 დადგენილებაში ცვლილების შეტანის თაობაზე;

მომხს: ბ. ბერიძე, ა. ტივაძე, გ.ჯვარიძე

ასპინძის მუნიციპალიტეტის სოფელ ოთაში განსახორციელებელი გაზომვარაგების პროექტის მონონების თაობაზე;

მომხს: ბ. ბერიძე, ა. ტივაძე, გ.ჯვარიძე;

დეპუტატებმა საკითხები დაამტკიცეს, რის შემდეგაც გაეცნენ ინფორმაციას;

ასპინძის მუნიციპალიტეტის მერიის მიერ გაფორმებულ ხელშეკრულებების (N34-დან N49-ის ჩათვლით) სახელმწიფო შესყიდვების შესახებ.

სხდომას თავმჯდომარეობდა ბესიკ ბერიძე.

მაკა ბერიძე

9 აპრილს მიიქმნა



9 აპრილს ასპინძის მუნიციპალიტეტში სამშობლოს დამოუკიდებლობისათვის დაღუპული გმირები გაიხსენეს.

მათი ხსოვნის პატივსაცემად ასპინძის მუნიციპალიტეტის მერმა როსტომ მაგრაქელიძემ, საკრებულოს თავმჯდომარის პირველმა მოადგილემ მერაბ ზურაბაშვილმა და ადგილობრივი თვითმმართველობის წარმომადგენლებმა მემორიალი გვირგვინითა და ყვავილებით შეამკეს.

დაღუპულთა სულების უკვდავსაყოფად პანაშვიდი ასპინძის ეკლესიის წმინდა გიორგის სახელობის მღვდელმსახურმა მამა დავითმა აღავლინა.

პანაშვიდის დასრულების შემდეგ ა(ა)იპ ასპინძის სახელოვნებო და სამუზეუმო დაწესებულებათა გაერთიანების კულტურის ცენტრის შემოქმედებითა ჯგუფმა თემატური ღონისძიება გამართა.

ღონისძიება ასპინძის მუნიციპალიტეტის მერიის კულტურის, განათლების, სპორტის, ძეგლთა დაცვის, ახალგაზრდულ საქმეთა და ტურიზმის განვითარების სამსახურისა და ა(ა)იპ „ასპინძის სახელოვნებო და სამუზეუმო დაწესებულებათა გაერთიანება - კულტურის ცენტრის ორგანიზებით ჩატარდა.

დაბა ასპინძაში სანაპიროს ქეჩის ხეაბილიცაცია გიხედება

პროექტის ფარგლებში მოენწყობა დეკორატიული ღობეები, ტროტუარები, გარე განათების ბოძები და გარკვეულ მონაკვეთზე – საყრდენი კედლები.

აღნიშნულ სამშენებლო სამუშაოებს ტენდერში გამარჯვებული კომპანია „არალი“ აწარმოებს.

პროექტი მრავალწლიანია და მისი

მთლიანი სახელშეკრულებო ღირებულება შეადგენს 1 363 000 ლარს, მიმდინარე წლისთვის გათვალისწინებულია 166 673 ლარის სამუშაოების შესრულება.

სამუშაოები რეგიონებში განსახორციელებელი პროექტების ფონდისა და ადგილობრივი ბიუჯეტის თანადაფინანსებით ხორციელდება.



წარსულის ფურცლები

ასპინძა, (ახალციხის მაზრა). ვუცქერით, როგორ უწყალოთ აქცევს, ამ ძვირფას სახსოვარს ქართველთა უკანასკნელ მწარე ბედისას, სოფ, აწყურის მკვიდრი, ახალციხელ ეფენდის შვილი – ბ-ნი თეიფიყ-ჰამიდ-ოღლი: მან მოისურვა დუქნის აგება ასპინძის ქვემოთ სახელმწიფო გზის პირად. ღმერთმა უკეთესობა მისცეს, მაგრამ, მიუხედავად

იმისა, რომ ამ გზის პირად ასპინძის მინდვრებზედ ფეხს ვერ აუქცევთ შენობის საუკეთესო ქვას, იგი უხერხო ალაგას რკინის კეტებით მხნედ შეუდგა გარკინებულ ციხის კედლების დაქცევას. ეს ციხე აოხრებული ნანგრევი იყო, მაგრამ მაღალი კედლები და ყოველი კუთხე, მთელი სურათი ციხისა მთლად იყო დატული. გლეხ მაჰმადიანთა ოჯახებში საუკუნოებით დაცულა

უბრალო თონეები, რომელთაც უვნებლად და ზრუნვით ინახავდნ მათი პატრონები, ხოლო შეგნებულად ცნობილი ბ-ნი თეიფიყ-ჰამიდ-ოღლი-კი არ ჰზოგავს მხნეობას და დიდის წვალებით აქცევს უახლოესის დროის სახელოვან სახსოვარს. ნუ თუ აქვს ვისმე უფლება ისტორიული ნაშთი ასე გაანადგუროს?!

„ივერია,“ 1900 წელი, N98

პრესა

ამაზასპ საფაროვს სომეხ-კათოლიკე მხითარისტს შეუდგენია „გეოლოგია“, რომელსაც აწერია, რომ იგი გამოცემულია სომხურ ეკპლესიებში სახმარებლად. ამ გეოლოგიის მე-37 გვერდზე ვკითხულობ: „რუსეთის სომხეთის ნაწილს სოფელს აპასთუმანს და ასპინძას გამოდის გოგირდის წყაროები, სადაც ხალხი ბანაობს...“

ეს გადამახინჯებული ასპინძა და აპასთუმანი ჩვენი ასპინძა და და აპასთუმანია. როგორც ვიცით, აპასთუმანი სძევს ქვაბლიანს, ანუ ძველს ურხეს და ასპინძა ახალციხის ქვემოთ ჯავახეთს. არც ერთი ეს მხარე სომხეთს არ ეკუთვნის.

„ცნობის ფურცელი,“ 1901 წელი, N1550

ლადო მაჭაპარიანი

მესხეთი

აციებული სერი, მთები თოვლის რკალებად, უიღბლოდ დანასერი _ გული დანატოვარი; ყინულიან სავალით დაფიქებული წვალებად, მესხეთი ცალი თვალთ სდუმს ცრემლ დანათოვარი.

ოქროს თეთრი აკვანი არითმებულ შაირის; აღმას კოშკად კლდე-ქვანი დაღუღებულ ფოლადით, არკინებს მეფისა ხელს, იტევს ფიქრს ათასნაირს; რაინდების სახელის ზღაპრის მოსაყოლად.

გნება მთავრის ოთახში და ლხინი გამართული, ჰკვდება ნგრეულ ცის თალი, ვით ქვრივის სამძიმარი; აქ ენთება ლოცვებით, რაინდობა ქართული მთვარით რომ წამოწევი _ მთებით რომ გდევს სიზმარი.

ხარობს ნამგალა მთვარე _ აბრწყინებულ სვეტებად, გათბა გული მწუხარე _ ჰქრება შური ბრმა კუზით, მახინჯ თვალთა სიკვლეებად ცივ ნაწყევლებად, ლაღობს ძველი მესხეთი სიყვარულის აუზით.

1919 წელი, თებერვალი
ქ.ახალციხე

კორესპონდენცია

სოფ. ხიზაბავრა (ჯავახეთი). ხიზაბავრა ზედ საზღვარზეა, რომელიც ჯავახეთიდან ახალციხის მხარეს აცალკევებს და იჭრობს 150 კომლს მცხოვრებს (2,000 სულამდეა).

ამ სოფელს თემცა დიდი ადგილი უჭირავს, თითქმის 40 კვადრ. ვერსი, მაგრამ რადგანაც ბევრი ღრანტეხანგნარ (ლოდნარი) ადგილებია, რომელიც სახნავ-სათეს და საბალახო ადგილების სიდიადეს ავიწროებს, ამიტომ დიდად ხელს უშლის მათ ეს დამაბრკოლებელი მიზეზი ბევრი ცხვარ-ძროხის შესანახათ.

ამ თუთხმეტ-თეფესმეტი წლის წინათ ხიზაბავრელები უმეტეს ინახავდნ, ვიდრე ახლა. რადგანაც ზედაველას მთა (ბაკურიანთან ახლო ჭობარეთშია) ამათ ხელში იყო, ყოველ ზაფხულობით იქ რეკავდნენ საქონელს; იმ დროს 30 მეცხვარეს ჰყავდა 6,000 სულამდე თხა-ცხვარი და 1,000 სულზე მეტი ძროხა, საიდგანაც ერთ ზაფხულს იქ ამზადებდნენ 7,000 ფუთზე მეტს ყველს და 1,200 ფუთ ერბოსა და იმის დაგვარად მატყლბანალსა. ახლა-კი ზედაველა ხელიდგან გაეცქათ, რადგან მთავრობამ ჩამოართვა და იმის მესამედსა-კი

ველარ სარგებლობენ საქონლის სიმცირის გამო. უწინ, ე.ი. 10-15 წლის წინათ, თვით მცხოვრებელნი ბევრად ნაკლები იყვნენ, ვიდრე ახლა და შემოსავალიც სამჯერ აღემატებოდა, ვიდრე ახლა. მომატების და გამრავლების მაგიერ, შემოსავალი გამრავლებულ ხალხს ერთიან შეუმცირდა და მათ შესამჩნევათ დადარიბნენ მცხოვრებნი, თავის რჩენა გაუჭირდა ხალხსა და აქა იქ საქართველოს სხვა-და-სხვა კუთხეებში წაწაღ-მათხოვრობდით რჩებიან მონიფული და მდევის მსგავსი ხიზაბავრელები. მითომ და აბა რა ჰქნან. სახნავ-სათესი მცირე აქვთ და სამუშაო ხომ აქ არსად იშოვება, აბა შიმშილით ხომ არ მოკლავენ ცოლ-შვილს?!

როდესაც ხიზაბავრელები უმთოთ შეწუხდნენ და საქონელი ველარ ასაზღოეს უამისოთ, მაშინ დავას შეუდგნენ 1883-1885 წლებში. კუპჩია და საკუთრების დამამტკიცებელი საბუთები მიანდვენ მასწავლებელს ბ. გეგიძეს, რომელიც იქ მსახურობდა სკოლაში. მცხოვრებთ ეგონათ, საქმეს გაგვიკეთებს გეგიძეო და, მგონია, სახარჯო სადგოვც გაიწერეს და და მიართვენ საქმის საწარმოებლათ,

მაგრამ დღემდე არაფერი ამბავი არ უცნობებია ხიზაბავრელებისთვის ბ. გეგიძეს. რა ჰქნა და რა არა, – ჯერ გამოურკვეველია ხალხისათვის.

ამ უკანასკნელ დროს იმედ-მიხდილნი-კი სხვა გზას დაადგნენ: თუ აღარ გვეშველება ზედაველას მთის დაბრუნება, იქნების მთავრობამ გვიყოს წყალობა და სხვაგან სადმე გადაგვასახლოსო; ამის მსურველი 40 კომლზე მეტია, რომელთაც უფრო არტაანის მხარეში სურთ გადასახლება, სოფ. ველში, რომელიც უწინ სოფლათ ყოფილა და ახლა კი ნაოხრათ არის დარჩენილი. თვითონ ვერ ახერხებენ ჩივილს, გზას ვერ იკვლევდნ და სხვებსა თხოვენ: გაგვიკითხეთ და გვიპატრონეთო. სხვათა შორის, მეც არა ერთხელ მომმართეს ტირილ-ვიმით – გვიმეთაურეთ, 200-300 მანეთს მოგცემთ და გვითხოვეთ, სადაც ჯერ არს, გადაგვასახლონო, მაგრამ მე რა შემეძლო მათთვის სამსახური გამეწია და შევპირდი, რომ გაზეთში გამოვქვეყნებ თქვენ გაჭირვებას-მეთქი.

მესხი კ. გვარამაძე
„კვალი,“ 1901 წელი, N2

თოქელი ზახიძეების გვარის ისტორია

სოფელი თოქი მდებარეობს ასპინძის მუნიციპალიტეტში, ჯავახეთის ზეგანზე, მას აღმოსავლეთიდან ესაზღვრება ახალქალაქის მუნიციპალიტეტი, ხოლო დასავლეთით – ასპინძის მუნიციპალიტეტის სოფელი ვარგავი. თოქი ისტორიული ჯავახეთის ნაწილია და მოსახლეობაც მიეკუთვნება ჯავახელებს. სოფელში ამჟამად ცხოვრობენ ზარიძეები, თამარაძეები, ლეიშვილები, დავლაშვილები და თარხნიშვილები.

სოფელი თოქი სამჯერ არის გაანადგურებულ-გაუკაცრიელებული და, შემდეგ, ხელახლა დასახლებული. სოფელში მცხოვრებთაგან ყველა გვარის მოსახლე მოსულია ჯავახეთის სხვადასხვა სოფლებიდან და დასახლებულა XVIII საუკუნის ბოლოს და, ნაწილობრივ, XIX საუკუნის დასაწყისში. სოფელში მცხოვრები ზარიძეები და თამარაძეები ერთი ოჯახის ჩამომავლები ვართ. ჩვენი წინაპრები ცხოვრობდნენ ახალქალაქის მაზრის სოფელ ორჯუაში (ორჯუა - ორი ყვარი), გვარად თამარაშვილები ყოფილან. 1770 წლის 20 აპრილს ასპინძის ომში, ერეკლე მეფის გამარჯვების შემდეგ თურქები და, განსაკუთრებით ლეკები, ძალიან გააქტიურებულან და სისტემატურად აწიოკებდნენ ჯავახეთის ქართულ მოსახლეობას. ისინი ვერაგისგან პოულობდნენ დახმარებას და იძულებულნი გამხდარან ჯავახეთი დაეტოვებინათ და სხვაგან გახიზნულიყვნენ. იგივე დაემართა ჩვენს წინაპრსაც. ლეკებმა ააოხრეს ჩვენი სოფელი ორჯუა და ჩვენი გვარის უმუშაო წინაპარი, რომლის სახელიც არ მახსოვს, ლეკებმა მოკლეს, მას დარჩენია მეუღლე და სამი შვილი. ვინაიდან ორჯუაში აღარ დავდგომებოდათ, ეს ქალი სამ შვილთან და მზლთან ერთად, რომლის სახელიც ასევე არ ვიცით, წამოსულან და დასახლებულან სოფელ თოქში, სადაც იმ დროს უკვე ცხოვრობდნენ გამაჰმადიანებული ქართველი ბეგები, გვარად აბაშიძეები. ამ ქალის მზლი თოქში არ გაჩერებულა და საცხოვრებლად გადასულა ქალაქ ახალციხეში, რომლის შთამომავლებიც ამჟამად თამარაშვილები არიან. დიდი ქართველი ისტორიკოსი მიხეილ თამარაშვილი სწორედაც იმ კაცის შთამომავალი იყო. ქერივი ქალი სამ შვილთან ერთად თოქის ბეგებს შეუკედლებიათ, ვინაიდან აბაშიძეები იმ დროს ჯერ კიდევ ფარულად მართლმადიდებლობდნენ, ჩაუთვლიათ, რომ გვარი თამარაშვილი იყო კათოლიკური და ქერივი ქალისთვის მოუთხოვიათ, გვარი შეეცვალა და დაწერილიყო თამარაძედ. მათი თხოვნა უყოყმანოდ შეუსრულებია და თამარაძეებად დაწერილვართ. თოქში იმ დროს, აბაშიძეების გარდა, ასევე ცხოვრობდა რამდენიმე თურქული ოჯახი, რომლებიც თურქებმა სპეციალურად ჩაასახლეს ქართულ სოფლებში, რომ ქართველებისათვის თურქული ენა შეესწავლებინათ. ქერივ ქალს, როგორც ზემოთ აღვნიშნეთ, ჰყოლია სამი შვილი – ერთი ქალი და ორი ვაჟი. ქალიშვილი გათხოვილა და ვინ არიან მისი ჩამომავლები, არ ვიცით, ხოლო ვაჟებიდან ერთს ნიკოლოზი ერქვა და მის შთამომავლებს „ნიკოლაანი“ ეძახიან, ხოლო მეორეს მათე ერქვა და მას თათრები მურადას ეძახდნენ, მის შთამომავლებს „მურადაანი“ გვუძახიან. სოფელ კოთელიაში გვყავდა ნათესავი ზარიძეები, რომლებთანაც ერთხელ სტუმრად წასულა მათე (მურადა). კოთელიელმა ნათესავებმა მას დასცინეს, – რა არის, ქალის გვარი გაქვს, სირცხვილიაო. იმყინა მათემ ე.წ. ქალის გვარი და დაენერა კოთელიელი ნათესავების გვარზე

და გახდა ზარიძე, ამიტომაც ვართ ზარიძეები, ხოლო ნიკოლოზი დარჩა თამარაძედ და მისი შთამომავლები დღესაც თამარაძეები არიან.

ჩვენი გვარის გარდა, როგორც აღვნიშნე, სოფელში ცხოვრობენ ლეიშვილები.

თედორაძეები, რომლებსაც



თოქელი აბაშიძეები. XX ს., 1920-იანი წლები

„მამულაანი“ უწოდებენ, მოსულან ჩრდილის ტბის სანაპიროზე არსებული რვა ქართული სოფლის ერთ-ერთი სოფლიდან, კერძოდ, – ურთიდან. დავლაშერიძეები მოსული არიან ასპინძის რაიონის სოფელ როკეთიდან, მათ ჯერ ვარგავში უცხოვრიათ და მერე თოქში გადმოსულან. ბოლოს, XIX საუკუნის 40-იან წლებში ქართლიდან მოსულან და დასახლებულან თარხნიშვილები, რომელთა თავდაპირველი გვარი კასრაძე ყოფილა, ოჯახის უფროს პავლე ერქვა, რომელმაც მოიტაცა ლეიშვილების გვარის ქალი და დაიმაღლნენ თოქის ხევემ არსებულ გამოქვაბულში. ლეიშვილები მას მისაკლავად დაეძებდნენ, ამიტომ იგი ახალქალაქში გადასულა და დახმარებისთვის პოლიციისთვის მიუმართავს. პოლიციის უფროსად იმხანად, თურმე, გვარად თარხნიშვილი მუშაობდა. ისიც მაშინვე გაჰყვლია სოფელში და გაუფრთხილებია ლეიშვილები, რომ პავლესთვის ხელი არ ეხლოთ, თორემ ყველას დასჯიდა. პავლემ გადაიხადა ქორწილი და მეფეგარედ პოლიციის უფროსი დაიყენა, შემდეგ მის გვარზე – თარხნიშვილზე დაენერა.

რაც შეეხება აბაშიძეებს, ისინი ყველაზე ადრე მოსულან ამ სოფელში საცხოვრებლად. გადმოცემით ვიცით, რომ მათი წინაპარი წამოსულა დღევანდელი საჩხერის მუნიციპალიტეტის სოფელ ჭალიდან, რომელსაც იმერეთის მეფესთან უთანხმოება მოსვლია და დაახლოებით 1755-1765 წლებში გამოქცეულა ახალციხეში, მისულა ახალციხის ფაშასთან და უთხოვია, თავის მფარველობაში ჰყოლოდა და მესხეთში დაესახლებინა. ფაშას შეუთავაზებია, – თუ იგი გამაჰმადიანდებოდა და ისლამს მიიღებდა, მას თავის სამსახურში აიყვანდა და მამულებსაც გადასცემდა. აბაშიძეც დათანხმებულა, – მიუღია ისლამი, გამაჰმადიანებულა და ფაშას მისთვის უბოძებია სოფელ თოქსა და ვარდისციხეში დიდძალი მამულები და სამუდამოდ დასახლებულა სოფელ თოქში.

როგორც აღვნიშნეთ, ლეკთა თარეშისა და თურქთა აკაცობის გამო ჯავახეთის სოფლები მოსახლეობისაგან დაიცვალა, მათ შორის გაპარტახდა თოქიც და ვარდისციხეც. როცა აბაშიძე დასახლდა თოქში, ფაშამ ორი თურქი ოჯახიც ჩაუსახლა, ვითომდა დასახმარებლად, რეალური მიზანი კი აბაშიძეზე კონტროლის დაწესება, მისთვის თურქული ენისა და ზნე-ჩვეულებების სწავლება იყო. აბაშიძეებმა ბეგების სტატუსი მიიღეს, რომელთა საკუთრებაში მართო სოფელ თოქის ფართობებიდან გადავიდა 300 ჰექტარი სახნავ-სათესი მიწის

ნაკვეთები, ნასოფლარ ვარდისციხეში კი – 200 ჰექტარი სახნავი მიწა და 50 ჰექტარი სათიბი. დარჩენილი 50 ჰექტარი კი დარჩა თოქის მოსახლეობას, მათგან დიდი ნაწილი – ზარიძეებს; აბაშიძეების საკუთრებაში არსებულ 300 ჰექტრიდან, მაჰმადიან მესხთა გასახლების შემდეგ, მთავრობის განკარგულებით, 250 ჰექტარი გადაეცა ახალქალაქის რაიონის სოფელ ვარგენის კოლმეურნეობას, ამაჟამად აღნიშნული 50 ჰექტრიდან 10 ჰექტარი გიორგი ზარიძის საკუთრებაშია, 20 ჰექტარი – ზვიადი ზარიძის, ხოლო დანარჩენი 20 ჰექტარი, – სოფელში მცხოვრები რამდენიმე ოჯახის კუთვნილებაა.

სოფელ თოქში ასევე ცხოვრობდნენ კედელიშვილები, რომლებსაც აბაშიძეებთან მოუვიდათ ჩხუბი და ამის გამო გადასახლდნენ ახალქალაქის რაიონში, მთის ძირში დააარსეს სოფელი და დაარქვეს თოქ-სამსარი, დროთა განმავლობაში კი გასომხდნენ და დღეს ჯღელიანებად იწოდებიან. საბჭოთა ეპოქაში ცნობილი გამოძიებელი გდელიანი, რომელმაც მთელი შუა აზიის თანამდებობის პირები

დააპატიმრა და მოსკოვში ცეკამდე ჩავიდა, იყო სწორედ თოქ-სამსარიდან.

მესხეთ-ჯავახეთის ოსმალთა ბატონობიდან განთავისუფლებისა და რუსული მმართველობის დამყარების შემდეგ, დაისადგურა რამდენიმე მმართველმა, მოსახლეობაც მაქსიმალურად გამრავლებულა და სოფელ თოქის როგორც კერძო, ასევე საზოგადოებრივი პირუტყვისათვის

ბალზე კი გაუკეთებია ვერცხლის 12 რგოლი, ერთმანეთზე თითო მტკაველის დაშორებით.


ამავე წელს თოქის საძოვარზე ცხვრის ფარა შემორეკა ერთმა ქურთმა. სერგოც ამ დროს ცხვარში ყოფილა. მასთან ერთად იყვნენ მისი მამა ალექსი ზარიძე და მათე ლეიშვილი. ესენი ურჩევდნენ სერგოს, – ეგ ქურთი შარიანი კაცია და, თანაც, კარგი მოჩუბარი და მოერიდო, მაგრამ სერგომ არ დაიშალა თავისი და ცხვრის ფართი გაემართა ქურთთან შესახვედრად. როცა შეხვდნენ ერთმანეთს, სერგომ უთხრა ქურთს, რომ ეს საძოვარი ჩვენი პირუტყვის ძლივს ჰყოფნის და შენც რომ დაემატები, აქ აღარაფერი დარჩება, თქვენ რაც გეკუთვნი, იმით დაკმაყოფილდით, მაგრამ ქურთმა საჩხუბრად გამოიწვია იგი. თურმე, ქურთებს ნესად ჰქონიათ მოკლე კომბლები და მარცხენა ხელზე დახვეული ნაბდეები, რომლებსაც მონინაალმდგის მოქნულ კომბალს ახვედრებდნენ. ვინაიდან საძოვარი ფერდობიანი ადგილი იყო, ორივე ცდილობდა, ზედა მხარეზე დადგომა, მაგრამ, როცა კომბალი მოუქნია, ქურთმა ნაბდანი ხელის ნაცვლად თავისი კომბალი დაახვედრა, რასაც სერგო არ მოელოდა და მას კახელების ნაჩუქარი კომბალი ხელიდან გაუვარდა. სერგო კომბლის სახლებად გაექანა, მაგრამ ქურთიც უკან დაედევნა. სერგომ მოასწრო კომბლის აღება და ისევე ზედა მხრიდან მოექცა და კომბალი მარდად მოუქნია. ქურთმაც მარცხენა ნაბდანი ხელი სწრაფად წაიღო კომბალის დასახვედრად, მაგრამ ხელი ვეღარ გააჩერა, წინ გადაინია და დაუცველი დარჩა. სერგომ ამით ისარგებლა და იმდენი ურტყა ქურთს კომბალი, ვიდრე ქურთმა ხეცნა არ დაუწყო, – შემობრლო! იმის შემდეგ ქურთი ამ ტერიტორიას აღარ გაკავებია.

მეორე წელსაც, იმავე საძოვარზე, ცხვარში ყოფილან სერგო თავის მამასთან და მძის მვილთან – არჩილ იაკობის ძე ზარიძესთან ერთად. მა-

ალიარა, რომ მან ნამდვილად სცემა სომხები და ნივთმტკიცება – ვერცხლის რგოლებიანი კომბალიც ჩააბარა ჟანდარმერიას. სერგოს დაპატიმრება ემოქრებოდა. მისი შემინებული მშობლები და ძმები მივიდნენ თოქის ბეგებთან – აბაშიძეებთან და სთხოვეს დახმარება. ბეგებიც მაშინვე დახმარებია, – მივიდნენ ახალქალაქის ჟანდარმერიის უფროსთან და სთხოვეს, – გამოეგვით სერგო. ჟანდარმერიის უფროსმა ურჩია ბეგებს, რომ სერგოს ჩვენება შეეცვალა. მათაც ასეთი ვერსია მოიგონეს: თითქოს სომხებმა ძირს დაადგეს იგი, ჯოხებით დაესივნენ საცემად. სერგომ მოახერხა და ქვემოდან გამოუვრა თავდამსხმელებს. სომხებმა კი შეცდომით ვითომ ერთმანეთი ცემეს და ამიტომაც დაზიანდნენ.

სერგო ბეგებმა ამ ვარიანტზე ძლივს დაიყოლიეს და მანაც ჩვენება აღნიშნული ფორმით შეცვალა. ჟანდარმერიამაც „გაითვალისწინა“ აბაშიძეების თხოვნა და სერგო გაანთავისუფლეს სასჯელისაგან. მომდევნო წელს კი სომხებმა დაპატიმრეს სერგო თავის სოფელში შესარეგებლად, დიდი სუფრა გაშლეს და შერიგების ნიშნად ცეკვა-თამაშიც გამართეს სოფელ კომანოში.

როგორც ვთქვით, აბაშიძეები დიდ მამულებს ფლობდნენ. ერთი აბაშიძე – მამად ალი ბეგი ქ. ყარსის ფოსტის უფროსი ყოფილა. მან ქარაფზე დიდი სახლი გაიკეთა და მასალა ურმებით ყარსიდან ჩამოაზიდინა. ერთი ჰაშიმ ბეგ აბაშიძე ექიმი იყო. ბეგების მამულებს ამუშავებდა სოფლის მოსახლეობა. ყანებს რომ მოშვიდნენ, ნამჯის ზვინებს დიდ ყანებში დგამდნენ. თითო მიწიუმ 2 ტონა მაინც იყო. შემდეგ მივიდოდნენ ბეგები და ყოველი 10 ზვინიდან /ბუნელდან/ ერთი მათ უნდა წაეღოთ. 9 ზვინი კი გლეხს რჩებოდა. შემდეგ გაილუნებოდა როგორც თავიანთი, ასევე ბეგების ნილი და დააბინავებდნენ. სოფელ თოქში ძირითადად ღარიბი ხალხი ცხოვრობდა. ქართველები თურქებზე ცოტათი შეძლებულები იყვნენ, რადგან ბეგები ქართველებს უფრო მეტ პატივს სცემდნენ ვიდრე თურქებს. გლე-



თოქის ეკლესია

ზამთრის საძოვრები აღარ ჰყოფნიდათ, რის გამოც თოქის ბეგებმა მიმართეს ახალქალაქის მამრის უფროსს დახმარებისათვის, რომელმაც სოფელს დამატებით გამოუყო აბულის მთაზე, სოფელ გომანოს მიმდებარედ, საძოვარი. მესაბამისად, მოსახლეობასაც, მაისიდან სექტემბრის ჩათვლით, პირუტყვი გადაეცადა აღნიშნულ საძოვარზე, რაც იწვევდა სომხურ და ქურთულ მოსახლეობასთან გარკვეულ კონფლიქტებს. ასევე კახელ მეცხვარეებთანაც ჰქონდათ დაპირისპირებები.

სოფლის ცხვარში დადიოდა გიორგი ზარიძის პაპა სერგო ალექსის ძე ზარიძე. თოქისთვის გადაცემული საძოვრის გვერდზე კახელი ოთხი მწყემსი იყო დაბანაკებული თავისი ცხვრის ფართი. პირველ წელს სერგოს კამათი მოსვლია კახელ მწყემსებთან, შემდეგ კამათი გადაზრდილა ჩხუბი და სერგომ ოთხივე მწყემსი კარგად სცემა, ამითგან ერთს მკლავიც კი მოსტეხა. იმ წელს კახელები მას აღარ გაჰპარებია. მეორე წელს, როცა დაბრუნებულან, მაშინვე მეურიგდნენ თურმე სერგოს და იმ მწყემსმა, რომელსაც მკლავი ჰქონდა მოტეხილი, შერიგების ნიშნად, სერგოსთვის შინდის კომბალი უწუქებია, კომ-

შინ ქალების თიბვის დრო იყო, სერგო დაქორწინებას აპირებდა და უნდა შეხვედროდა საცილეს. ცხვარს კი ალექსი და არჩილი პატრონობდნენ. ვინაიდან არჩილი მხოლოდ ხუთი წლის ყოფილა, ვერ შესძლო ცხვარის ფარის შეკავება და მთელი ფარა თურმე სოფელ გომალის ქალებში შეეცივდა. სოფლის მოსახლეობა დაერია ცხვრის ფარას და დაიწყეს მისი დატაცება. ალექსიმ ხმამაღლა ინატრა, – „ნეტაი ჩემი სერგო აქ გაჩნდესო.“ სერგოსაც სერიდან მოეკრა თვალი, რომ მათი ცხვის ფარა მეზობელი სოფლის ქალაში გადასულა, უმალ გაიძრო თურმე ჩოხა და სირბილით დაეშვა დაბლა, კახელების ნაჩუქარი კომბალით ხელში. როგორც კი ჩამოვიდა, დეარია სომხებს, ვისაც კომბალი დაარტყა, ყველა წაეცია, მაგრამ ისინი ბევრი იყვნენ და ალყაში მოაქციეს. სერგო დაყვრდნო კომბალს და, ჭოკით მხტომელივით, თავზე გადაეგდო მოალყეებს, ზურგიდან მოექცა და კომბალით სასტიკად სცემა ისინი. ბოლოს გომალელები დაიშალნენ. მეორე ურმებზე დამტვრეული მამაკაცები შემოსვეს და ახალქალაქის ჟანდარმერიაში წაიყვანეს საჩივრელიდ. იმავე საღამოს კი სერგო ჟანდარმერიაში დააპატიმრა. სერგომაც ყველაფერი

ხეების სახლები შემდეგნაირად იყო მოწყობილი: მესასვლელში კარაპანი იყო, კარაპანიდან ჰქონდა შესასვლელი ბოსელში, ბოსლის მერე – ოდა, სადაც მხოლოდ ბუხარი იყო დატანებული და იქ იძინებდა მთელი ოჯახი. ცალკე ჰქონდათ ფურნის სახლი და საციო ოთახი, სადაც ყველს, ერბოს და ფქვილს ინახავდნენ. შეძლებულ გლეხებს შეიძლება ჰქონოდათ მერცხლის ბუდური დარბაზები და ეგრეთ წოდებული, იაზრულები, ანუ ფანჯერაანი ოთახები სტუმრებისათვის. ყოჩბაშური დარბაზები თოქში არ იყო. ბეგების სახლებს მზის მხარეზე ჰქონდათ ფანჯრები. ამასთან, ყველა სახლი ნათდებოდა ზანზე არსებული ერდოებით. სახლები გადახურული იყო მინით.

მთქმელი მიორბი ზარიძე, 78 წლის (ეს ამბავი მოუსმენია მამის იასონ ზარიძისაგან); აღნიშნულ ისტორიას გარკვეული ფაქტები დაუბაძა ზარიძე ზარიძე, რომელსაც მოსმენილი აქვს მამისაგან – შალვა ზარიძისაგან; ასევე მცირედი ნაწილი დაამატა ზარიძე თამარაძემ.

ჩაინერა მიორბი ზარიძე 2025 წელს, სოფელ თოქში

(გავრძელება შემდეგ ნომერში)

მატიანე



ასპინძის სასტუმრო. მე-20 საუკუნის 60-იანი წლები

მე და ჩემი ქვეყანა

ასპინძელ სლავა ჩიხლაძის ქორწილზე, რომელიც ახალციხეში გადაიხადა, ოჯახმა ფულის ჩაწერა მე მოხერხა. სია ჩვეულებრივ შევადგინე. რაიონის განათლების განყოფილების იმჟამინდელი განყოფილების გამგე ვასილ თამაზაშვილი დაინტერესდა სიით და მოხერხა ხელმეორედ გა-

დამეწერა, მიზეზით არც კი დავინტერესებულვარ და უყოყმანოდ დავთანხმდი. ასე განმეორდა რამდენჯერმე. თურმე, ხელმეორედ გადანერის მიზეზი ის იყო, რომ მისი გვარი თავში უნდა ჩამეწერა და მეც, რა თქმა უნდა, მივუხედი მის „სურვილს“ და „თხოვნაც“ მაშინვე შევუსრულე.

ვაშლის ხე გასხლა

ასპინძაში ჯავახეთიდან საცხოვრებლად ჩამოსახლებულმა ვლადიმერ ალელიშვილმა (შემდგომში საქართველოს კპ ასპინძის რაიკომის პირველი მდივანი), საკუთარ საკარმიდამო ნაკვეთში ხეხილის ბაღის გასხვლა სთხოვა რაიონში ყველასათვის კარგად ცნობილ, მეორე მსოფლიო ომის მონაწილეს, პოლკოვნიკ ლავრენტი გიორგაძეს, რომელიც შესანიშნავად ერკვეოდა აგრონომიაში და თავდაცვ ღიდებულად მოვლილი ხეხილის ბაღი ჰქონდა.

ლავრენტი გიორგაძემაც მაღალ პროფესიულ დონეზე გასხლა ვაშლის

ნერგები.

ვლადიმერ ალელიშვილის მოხუცმა მამამ, ზაქარია, დიდი ინტერესით დაათვალიერა გასხლილი თითოეული ვაშლის ნერგი, რომლებსაც ტოტები ძალზე მოკლედ ჰქონდა შეჭრილი. მოხუცმა პოლკოვნიკი ერთ ნერგთან მიიყვანა და საყვედურის კილოთი უთხრა: – შე დალოცვილო, ამდენს რას წვალობდი ამ ხეების გასხვლაზე, ბარემ ძირიდანვე გადაგეჭრა, განა უკეთესი არ იქნებოდა?

დიმიტრი მაღრაძე, ასპინძა

ფასუხი თიხის მსოფლიო ჩემპიონატზე გააჩვენა

1930 წელი – ურუგვაი
1934 წელი – იტალია
1938 წელი – იტალია
1950 წელი – ურუგვაი
1954 წელი – გერმანია
1958 წელი – ბრაზილია
1962 წელი – ბრაზილია
1966 წელი – ინგლისი
1970 წელი – ბრაზილია
1974 წელი – გერმანია
1978 წელი – არგენტინა

1982 წელი – იტალია
1986 წელი – არგენტინა
1990 წელი – გერმანია
1994 წელი – ბრაზილია
1998 წელი – საფრანგეთი
2002 წელი – ბრაზილია
2006 წელი – იტალია
2010 წელი – ესპანეთი
2014 წელი – გერმანია
2018 წელი – საფრანგეთი
2022 წელი – არგენტინა

ოლიმპიადა - 2025-ის ფაზებში

„საქართველოს სასკოლო სპორტული ოლიმპიადა-2025“-ის ფარგლებში ნინოწმინდის საჯარო სკოლის სპორტულ დარბაზში გაიმართა რეგიონული ჩემპიონატი სპორტულ სახეობა მაგიდის ჩოგბურთში.

აღნიშნულ ტურნირში მონაწილეობას ღებულობდნენ ასპინძის მუნიციპალურ თამაშებში გამარჯვებული სოფელ აწყვიტის საჯარო სკოლის გოგონათა და ვაჟთა გუნდები.

ჩოგბურთის ტურნირში ვაჟებს შორის მეორე საპრიზო ადგილი სოფელ აწყვიტის გუნდმა მოიპოვა.

გამარჯვებული გუნდები სამცხე-ჯავახეთის სახელით მონაწილეობას მიღებენ „სასკოლო სპორტული ოლიმპიადა - 2025“-ის ზონალურ თამაშებში.

ასპინძის მუნიციპალიტეტის მერია ულოცავს სოფელ აწყვიტის ვაჟთა გუნდს და მათ პედაგოგს მიღწეულ წარმატებას.



„დაღენის“ ღოს შეიქმნა

„დედაენას, რაკი დედა ჰქვია, მახსოვრობა აღარ სჭირდება, თუ კაცი ხარ და არა პირუტყვი – ენა დედაა შენი და მუდამ უნდა გახსოვდეს, უნდა უკვდავო იგი, როგორც შეგიძლია და რითაც შეგიძლია..“

იაკობ გოგებაშვილი



დიახ! უნდა გვახსოვდეს, გაუფრხილდეთ და გვიყვარდეს. დედაენა არის ის, რაც ყველას გვაერთიანებს და გვაძლიერებს, ის არის ერის არსებობის საფუძველი, რომელიც ღმერთმა გვიანდერძა. ქართული ანბანი ერთ-ერთი უნიკალური დამწერლობაა მსოფლიოში, რომელსაც ანალოგი არ მოეპოვება. ეს ნამდვილად საამაყო ჩვენი ქვეყნისთვის.

2025 წლის 14 აპრილს ასპინძის მთავარი ბიბლიოთეკის საბავშვო განყოფილების ორგანიზებით გაიმართა დედაენის დღესთან დაკავშირებით ღო-

ნისძიება, სადაც პატარა მოსწავლეებმა ისაუბრეს ამ ისტორიულ თარიღზე და მის მნიშვნელობაზე, წარმოთქვეს ლექსები და ფრაზები, რომელიც ქართულ ენას მიეძღვნა. მე მჯერა, რომ ეს ბავშვები ქვეყნის საამაყო შვილები იქნებიან და პატრიოტ ქართველებად გაიზრდებიან.

მადლობა მინდა გადავუხადო ღონისძიების ორგანიზატორებს როგორც მსმენელმა და მშობელმა, მინდა ვუსურვო დიდი წარმატება, ბევრი მკითხველი და კმაყოფილი მსმენელი.

ნანა ტიშაძე



მუნიციპალური ჩემპიონატი



ახლახან ასპინძის კულტურის ცენტრში გაიმართა მუნიციპალური ჩემპიონატი ნარდში.

აღნიშნულ პირველობაზე მონაწილეობდნენ მუნიციპალიტეტში მცხოვრები ნარდის მოყვარულები, როგორც მამაკაცები ასევე ქალები.

პირველობაზე გამოვლინდნენ გამარჯვებულები:

ასპინძის მუნიციპალიტეტის მერმა როსტომ მაგრაქველიძემ, მერის მოადგილემ ლევან ბერიძემ საპრი-

ზო ადგილზე გასული მონაწილეები შესაბამისი თასით, სიგელებით და მედლებით დააჯილდოვეს. ასევე, პირველ ადგილზე გასულ გამარჯვებულ მონაწილეებს საჩუქრად ნარდი გადაეცათ.

ღონისძიება ასპინძის მუნიციპალიტეტის მერიის კულტურის, განათლების, სპორტის, ძეგლთა დაცვის, ახალგაზრდულ საქმეთა და ტურიზმის განვითარების სამსახურის ორგანიზებით ჩატარდა.